

fiter. On a eu vn peu de peine d'arriuer à ce point, mais Dieu luy-mefme femble auoir conduit cette affaire, de forte que nous en fommes heureufement en poffeffion, avec vne confolation grande du dedans & dehors de nos maifons, excepté [16] peut-efre de quelques-vns entre ces Barbares qui ont l'efprit plus mal fait.

Ceux de nos Peres qui font de garde, fe tiennent à leur tour à la cabane, & particulièrement celuy qui tient la petite efcole des enfans, des Chreftiens & Cathecumenes: les autres s'en vont au Bourg, faire la ronde & les vifites de leur quartier, le Bourg eftant diuifé en autant de parties qu'il y a de perfonnes intelligentes à la langue, & par confequent capables de trauailler. Mais pour le peu d'ouuriers, qu'il y a pour maintenant, tel fe trouue qui eft chargé de quarante cabanes, dans plufieurs defquelles fe trouuent quatre & cinq feux; c'eft à dire, huit ou dix familles, ce qui leur tailleroit beaucoup plus de befongne qu'ils n'en pourroient expedier; fi leur courage ne leur donnoit des forces pour cela, & au delà.

Ces vifites confiftent premièrement à voir, & à faire que pas vn, foit enfant, foit plus aagé, malade ne meurent fans Baptefme, ou fans inftruction; pour à quoy arriuer plus facilement, on les fecoure & affifte temporellement de tout ce que l'on peut, & particulièrement de remedes, & faignées, qui ont de fort bons effects. En 2. [17] lieu, on veille à prendre les occafions d'inftuire ceux qui fe portent bien, & leur inculquer fur tout, les matieres des dernieres Catechifmes, ou confeils à parler felon l'air du païs; & les difpofer à l'intelligence des fuiuants. Mais fur tout on s'applique à recognoiftre les terres ou per-